

民國文獻資料叢編

民國
邊政史料
匯編

馬大正 主編

國家圖書館出版社

國

馬大正 主編

民國邊政史料匯編

第十八冊

國家圖書館出版社

第十八冊

伊盟左翼三旗調查報告書·····	1
蒙藏委員會蒙藏政治訓練班季刊 二十二年·····	61
二十三年·····	241
中華民國政府公報分類彙編：蒙藏事務 自民國元年至民國三年·····	397

邊疆調查報告之三

伊盟左翼三旗調查報告書

蒙藏委員會調查室編印

民國三十年十二月

伊盟左翼三旗調查報告書目錄

第一章 地理概況

第一節 位置及面積

第二節 山川形勢

第三節 氣候及雨量

第二章 政治現狀

第一節 旗政及其組織

第二節 人口估計

第三節 財政狀況

第四節 軍事設施

第五節 司法情形

第三章 實業與交通

伊盟左翼三旗調查報告書目錄

第一節 墾牧現狀

第二節 林礦工商

第三節 交通幹綫

第四節 郵電事業

第四章 社會生活

第一節 職業與社會

第二節 婚喪禮俗

第三節 衛生習慣

第四節 宗教與教育

第五章 對外之關係

第一節 天主教之現狀


第二節 日本間諜之活動

伊盟左翼三旗調查報告書

第一章 地理概況

第一節 位置及其面積

左翼三旗位於伊盟之東部。郡王旗當三旗之西，與右翼四旗壤地相接。達拉特旗當郡王旗之東北，地跨黃河，爲河套之東北隅，準噶爾旗在郡王旗之東，北與達拉特旗相隣，爲河套之東南隅。計其面積，郡王旗東西一百一十五里，南北三百二十里；地形斜縱，東北，西南一百五十里，東南，西北二百七十里，全面積約三萬六千八百方里。達拉特旗東西二百八十五里，南北一百三十里；地形斜縱，東北，西南二百二十五里，東南，西北五百六十里，全面積約三萬七千方里。準噶爾旗東西二百四十五里，南北二百十里；東南，西北一百六十五里，東北，西南二百三十里，全面積原約五萬一千四百五十方里；現其中部及東境劃歸清水河縣，北境劃歸托克托縣，南境劃歸府谷、河曲及偏關等縣，除曾經領



文放之黑界地已屬各縣管理外，現有旗地面積，約四萬餘方里。統計三旗面積，約當右翼四旗總面積三分之一強。

第二節 山川形勢

甲、沙漠 左翼三旗地當河套東部，黃河流繞，溪泊灌注，淤積沙灘，隨處可見。郡王旗之四境，此種現象甚爲普遍。

準噶爾旗則由大營盤（即旗政府所在地之通稱）赴薩拉齊縣時，中間經過一浮沙地帶，長寬各數十里。砂礫極細，易被風吹動。行旅經過其間，除須注意飲水外，每遇大風，常有迷途之苦。該路本爲從大營盤通綏垣之捷徑，但以此沙漠之故，行者多東走托克托，或西繞包頭，以避免風沙之苦。其外零沙散礫，全境多有。因沙梁之起伏，所形成之沙溝甚多。經歷其境者，常紆迴曲折，多費時日；故熟習此間道路者，多翻越沙嶺，以求減縮路程。

達拉特旗則由旗境南邊與準噶爾旗交界處，一直西北向，到木合喇台，抵旗政府前，此段長約一百八十里之地帶均是沙漠，平曠無極。間有沙坪之上，出生草木植物，供土著人民之燃料。此種草多之處

，即有人家。惟草下之地層仍屬純粹沙土耳。旗之東北境亦有沙漠地帶，但面積不大，爲黃河南岸之沙磧，並不影響耕作也。

乙、河流 郡王旗境內大小河流有三，茲述其名稱如下：（一）烏爾木楞河（意即諸河），以旗署爲基點，南流入神木縣與黃河相會。（二）石灰河，其上源在準噶爾旗境內，由東北向西南流。（三）扒牛川，上流爲石灰河，東爲烏爾木楞河，扒牛川與之會。

準噶爾旗屬東境之塔爾奇爾河、布林河、大昆兌河、小昆兌河、哈倍河等，均東流入黃河境，現已分隸於托克托、清水河各縣，茲不備述，述境內諸河：（一）芹河，在旗府東二十五里，原名伊克西拉爾郭勒，源出都爾伯特拜波東部，南流入邊城。下游爲陝西府谷境之清水川。（二）克丑河，在旗府東五里，源出噶吉都爾頓東，東南流，注於芹河。（三）十里長川，發源於德勒乎鄂博，下游入河曲縣境，流經本旗之長度約爲一百里。（四）特牛川，源出達拉燭梁，流經古城等地，長約一百二十里，下游入黃河。（五）暖水，由東北向西南流，發源於本旗之燭梁。其水溫熱，冬不結冰，故名。河畔有暖水鎮，蓋因水而名也。全流長約八十里，下游入特牛川。此外尚有沙河沙溝甚多，每逢夏季雨作，亦時有漫溢之患。

達拉特旗境內大小河流，總計有十：（一）黃河，流經本旗者，爲由與西公旗杭錦旗交界之西山嘴起，沿本旗北境，過後套（五原臨河一帶）之一段，長約一百餘里。（二）柳干河，在旗政府之東，流向北，長約五十餘里。（三）莫合爾溝，在旗政府之東，亦北流，長約七十餘里。（四）哈什拉溝，在壕慶河之東，向東北流，長約九十餘里。（五）壕慶河源出於壕慶河溝，北流，長五十里。（六）漢台溝，在旗府之西南，北流，長約百餘里。（七）蘇都爾河，當漢台溝之西，距旗府西二十五里。源出吳烈泉，經水獨戶，東北流，入黃河，長約九十里。（八）黑拉河，在旗政府西五十里，源出朱爾罕溝，北流，長約六十餘里。（九）保什台溝，北流，長約六十餘里。（十）哈柴昆兌溝，平常係一無水之乾河，由南往北，其長不及二十里。本旗地瀕黃河，沙磧衝淤，上述諸河流，除漢台溝川流不息外，其他皆無經常之水流注不斷；惟以足踏沙，即可見水浸足耳。

丙、湖沼 郡王旗湖沼之可言者有二：（一）紅海子，當烏蘭木楞河西約百里，距旗府十餘里，由漢台溝去郡王旗必經其旁。水清淺底，作橢圓形，長可二三里，寬約一里許。西岸平坦，南有赤色沙邱，水中浮鷗泛泛，洵蒙旗之奇觀也。附近地多膏沃，可資種植。（二）察漢淖，又名晴湖，較紅海子爲小，在旗府西北數十里。

準噶爾旗全境雖多沙河沙溝，但無一渾水渾泊，其原因由於距黃河甚近，小水皆有所歸宿，而又地爲沙質，水易滲入地下故也。雖當急雨之際，低處可以渾水，但一經雨止，水即隨之而逝，終不能渾成湖沼。

達拉特旗境內渾泊之可名者惟小渾泊，然已淤積成沙，亦僅具渾泊之名耳。惟由包頭官渡口過黃河，經通興公入旗境，南行距旗政府約二十里處有一湖，土人名曰海子，長十餘里，寬約十丈，春季且須小船始能渡過，蓋黃河溢出之支流也。

丁、山脈 郡王旗境內無大山，僅多沙梁起伏，獨旗府之西八九十里有烏蘭五格拉山，長可百里，但亦僅具山之形勢而已。其次有倒老岱梁，長約四里，登其頂可以遙望大青山，目極遼闊。上爲平地，惟無樹木。

準噶爾旗境沿托克托縣邊境，有土梁綿延數十里。南境隣山西河曲縣界內有他布烏素梁、馬路梁；隣陝北一帶有圪臬溝梁、瓦洞梁、團團溝梁、胡雞籠梁等。旗之中部略偏西南有神山，長五六里，寬約三里。山之最高處，晴天無雲，可望河曲縣。神山東南五十里，距古城西十五里有雙鎖山鄂博，長十餘里，寬約三里，因山上最高處之鄂博得名。此外尚有多處沙梁，且多開作墾地，不能以山目之。

達拉特旗境內無山，惟有沙邱起伏耳。

第三節 氣候及雨量

蒙古氣候，因無測候台站，故無精確之記錄可據。茲所述者僅就當地見聞所得略述如后。

郡王旗氣候較綏垣爲溫暖。大抵春三月多風沙，六、七、八月多雨，冬季則稍寒耳。

準噶爾旗氣候，以寒暑論，約可分爲二部，即後套近黃河一帶比較寒冷，其他各地略爲溫和。然自全境言之，每年氣溫以五、六、七月爲最熱，十一、十二、一月爲最寒，二、三、四、五、八、九、十月比較溫和。雨季在五、六月，雨量常感不足。惟當民國二十二年間，此地雨季甚長，往往雨數星期不已。沙漠地帶，累被衝刷；沙溝沙河、沙滯爲災。此種現象，實爲例外。即如今年（二十五年）旗屬全境又已亢旱成災，且曾一度下冰雹，農作物大受損傷，除少數未受冰雹之地帶外，全旗普遍收穫不過四成，可見雨量缺少之一斑。氣候之變化甚驟，每當夏季正午，暑氣薰人，幾不可耐，氣溫有高至九十余度者，一旦遇風雨，則暑氣驟散，寒氣侵人，或至衣裘；故有「早皮午紗」之諺。冰雹之成因，即係此等陡變之氣候所致也。春夏之交，時有颶風，沙塵隨起，行旅苦之。此種現象，尤以午後三四時爲最

著。每風沙過處，塵霧蔽空，不見天日。其尤厲者，則征騎對面不見前馬，惟聞風聲嗚嗚作響，而砂礫擊頭，不堪痛苦，兩眼迷茫，開合皆非，即有風鏡，亦難顯其效用。斯時誠有「行不得也」之嘆。秋季至白露節即早夜飛霜，入夜氣溫低至三十餘度，正午始又升至八十餘度，故每歲以白露節至次年小滿節爲霜季。此本旗氣候之大略也。

達拉特旗當河西沙漠之區，春季風沙特大，夏季暑熱，秋季多雨，冬季奇寒。每年五六月風息，雨陽時若，頗有江南水綠山青氣象。七月以後，氣候轉寒，九月已露結爲霜。八月正屆收穫之期，如遇大雨，稻田往往有被淹沒之虞。

第二章 政治現狀

第一節 旗政及其組織

左翼三旗之行政組織，仍沿舊例與伊盟其他各旗同。其最高行政長官爲札薩克，其下隸以協理二人；協理之下有管旗章京一員，承札薩克協理之命辦理旗政；此外有東西梅楞二人，佐同管旗章京辦理

旗政，並與管旗章京輪流值班負旗府常務之責。以上爲主要事官。其下有筆帖式主辦文書，德木齊辦理庶務。筆帖式之人數視事之繁簡而定，德木齊共設三人，皆輪流在旗府應差。

旗府事官輪值辦法，共分三班，按月輪值。每班有一事官負主管之責，由管旗章京及東西二梅楞分任之。在值班期間，一切經常旗政均聽其處理，爲該月中旗政府之最高負責者。但遇有特殊事故，仍須隨時請示協理或札薩克，遵命辦理，或開臨時旗務大會討論處理之。筆帖式每班設筆帖式長一人，下統筆帖式約十餘人，隨值班事官在府辦差。筆帖式之三班，準噶爾旗及達拉特旗特稱之爲科，筆帖式長改稱科長。名雖不同，組織無異。旗府日常事務，比較簡單，不獨值班事官不常留府辦公，即輪值之筆帖式長除接事與交卸時到差外，平日亦不常來府，僅遇有特別要公，始由差役臨時通知。其日常事務則由筆帖式等照例辦理。

旗政府相沿並設有承啓官一至三人。凡遇臨時事件須請示札薩克或主管事官者，例由承啓官輪流担任之。惟亦居家時多，不常來府。

以上所述，皆爲旗政府內之事官，至於接近民衆之地方官有札蘭章京（亦稱參領），承管旗章京及東西梅楞之命統轄各蘇木（相當於縣之區）。蘇木設蘇不章蓋（亦稱佐領），爲蒙旗親民之官。其下有昆

都(亦稱驍騎校)，輔佐蘇木章蓋辦理各該蘇木事務，如稽查蒙民戶口，丁壯及攤派蒙人差徭等事。每蘇木另有博拾戶一人或數人，供蘇木章蓋與昆都之差遣。至於諱帖式之有無不定，隨各蘇木之需要而設。

左翼三旗以其接近晉陝綏各縣之故，境內漢人遠較其他盟旗為多，蒙漢雜居，事務增繁，故另設有管理移民之官，專負稽查漢人及徵採軍糧之責。郡王旗名之為甲頭，準噶爾旗名之為打欽，達拉特旗名之為局長。官員額數各旗不等，視漢人之分佈情形而定。其下每人並轄有達爾古三人或四人。此種設施實為其他盟旗所無也。

每年舊曆五月，循例在旗政府附近舉行賽馬會。屆時旗府事官及札蘭章京蘇木章蓋全體蒞止，參觀賽馬會後，照例舉行全旗旗務大會，討論一年內應興應革事宜。此外每逢年終封印及來年開印時亦照例集合全體官員舉行大會，就便討論各項事宜。

茲將全旗行政組織系統列表如下：



以上述行政組織既竟，茲再將各旗行政現狀分述於後：

郡王旗原稱鄂爾多斯左翼中旗。現在札薩克爲親王圖布陞吉爾格勒。東協理爾定格勒，現在出缺未補。西協理貢布札布，人極精明幹練，富有才能，爲圖王所倚重。正管旗章京名巴晉桑，副管旗章京名瑞爾寶札布。東梅楞名銀肯巴雅爾。西梅楞補林巴得虎，蒙漢文字俱佳，與西協理貢布札布堪稱郡王旗兩大柱石。補氏對於旗政尤能裨補闕漏。如於發展教育，整頓軍隊，規劃墾殖，開發交通等項，均有所規劃。最近兩年來，該旗保送之學生，計包頭中央政治分校二十餘人，白靈廟小學四人，皆以前所無也。

準噶爾旗原稱左翼前旗。自前札薩克阿拉坦瓦齊爾歿後，旗內曾經兩次事變。現在承繼札薩克之小王子年僅十二歲，札薩克印務由東協理烏勒濟巴雅爾署理。烏氏漢名奇文英，號育才，現年約五十餘歲，爲人頗精細，有智謀，除署理札薩克印務外，並兼騎兵團長，及代理綏境蒙政會委員等職。西協理奇默特諾爾布，漢名奇鳳鳴，年亦五十許，向居河套，久握實權，亦兼任團長職。管旗章京德格布，漢名奇玉成，現年四十許，原爲奇文英部下營長，頗稱精明強幹。東梅楞名波爾洛赫，西梅楞名基爾郭拉札布。和蘭章蓋八人爲前敦達寶、敦基雅、藍斯哈爾、綽格基爾嘉、打欽噶、瑪希德格勒爾、那木楞及喇嘛先生。